

D E

MAXILLÆ INFERIORIS LUXATIONE

T H E S E S

ANATOMICO-CHIRURGICÆ.

*HAS THESES, Deo juvante & Praside M. PETRO SUE, secundo, antiquo Collegii Præposito & nunc Quæstore, antiquo Scholarum Prælicarum Anatomie & Chirurgiæ Professore, Regiæ Academiæ Chirurgiæ Consiliario, in generali Parisiensi præfecturâ Chirurgo ordinario, necnon Academiarum Mons-pellien-sis, Rothomagen-sis, Divionen-sis, Lugdunen-sis & Bur-digalen-sis Socio, tueri conabitur CAROLUS DANIEL GAULTIER DE CLAUDRY, Blesen-sis, Artium Liberalium præclara Universitatis Parisiensis Magister, & Principis Atre-batum Comititis, fratris Regis, Chirurgus trimestris.*

*Die <sup>Junæ</sup> ~~Septembris~~, 17<sup>a</sup> Junii, anno Salutis 1782, à sesqui-secundâ post meridiem ad septimam.*

IN REGIIS CHIRURGURUM SCHOLIS,  
PRO ACTU PUBLICO

E T

SOLEMNI COOPTATIONE.



P A R I S I I S,

Typis MICHAELIS LAMBERT, Regii Chirurgiæ  
Collegii necnon Academiæ Typographi, viâ Cithareâ.

---

M. DCC. LXXXII.





MAXILLÆ INFERIORIS LUXATIONE

T H E S I S

ANATOMICO-CHIRURGICA

HAEC THESIS, ADO JUVENIS & PRAELECTI M. PATRIS SU-  
 SCULPTORIS, ANTIQVE COLLEGIJ PRAEPOSITI & NUNC QUAEQUE, ANTIQVO  
 SCHOLARIVM PRAELECTORVM ANATOMIAE & CHIRURGIAE PRAEPOSITI,  
 REGIAE ACADEMIAE CHIRURGICAE CONSILII, IN GENERALI PARISIENSIS  
 PRAEPOSITI, CHIRURGO ORDINARIO, NUNC ACADEMIAE ADO-  
 PRAEPOSITI, ANATOMIAE, CHIRURGIAE, PRAEPOSITI & H-  
 DISTRICTI SOCIJ, INCISSIT CAROLUS DANIEL  
 GAUTHIER DE CLAVIER, BLESII, AGRICOLAE LIBERTINUS  
 PRAELECTOR UNIVERSITATIS PARISIENSIS MAGISTER, & PRAEPOSITUS  
 ANATOMIAE COMITIS, JUVENIS REGIAE CHIRURGICAE INCISSIT.

Die Sextidii, 17 Junii, anno Salutis 1782, & festo Joannis  
 post meridie ad septimanam.

IN REGIIS CHIRURGICORVM SCHOLIS

PRO ACTU PUBLICO

ET

SOLEMNI COOPTATIONE




PARISIIS,

Typis MICHAELIS LAMBERT, REGII CHIRURGICAE  
 COLLEGIJ NUNC ACADEMIAE TYPOGRAPHI, VIA CATHEDRAE.

M DCC LXXII





D. O. M.

---

D E

MAXILLÆ INFERIORIS LUXATIONE.

---

*T H E S E S*  
ANATOMICO-CHIRURGICÆ.

POSITIONES ANATOMIÆ.

I.

**M**AXILLA inferior, sive mandibula, soleæ ad instar ferreæ figurata, in fœtu infanteque bifida, in unicum os, vigente ætate, coalescit. In tres partes dividitur, scilicet mediam, quæ dicitur *corpus*, & laterales quæ *rami* nuncupantur.

A 2



IN corpore duas facies & totidem oras discernere fas est : facies anterior, convexa, in medio *mentum* vocata, prominentem & perpendicularem habet lineam, *Symphysim* Maxillæ inferioris dictam. Facies posterior, concava, leviusculis hinc illinc eminentiis exasperatur. Ex duabus oris, superior, in completo dentium numero, sexdecim protuberat alveolis, quæ græcis *φάλας* & *φάλας*, præsepiola, à præsepium similitudine, vocantur. Inferior ora Maxillæ, *basis*, duo labra, unum internum, alterum externum profert. In medio prominet linea superficialis, Maxillæ *spina anterior* dicta.

PARALLELOGRAMMUM æmulatur uterque Maxillæ ramus : tres in unoquoque margines, tres anguli occurrunt : horum inferior asperitatibus pluribus conspergitur, & licet obrusus, propriè tamen *anguli maxillaris* nomine donatur : superiorum alter triangularis & acuminatus, anterior *coronoïdes*, alter verò, in modum capituli conformatus, ad aures vergens, *condyloides* processus audit. Hic cavitate quâdam glenoïdeâ, in osse temporali excavatâ, recipitur, pro Maxillæ motibus. Cavitas non secus ac condylus cartilagine obducitur : hic verò, breviori collo sustentatus, pluribus ligamentis temporum ossi alligatur, aliis lateralibus externis, altero interno capsulari. Peculiaris insuper in cavitate cartilago, inter-articularis dicta, adnotatur (1). Pro ratione adductionis aut diductionis Maxillæ, vel sub jugo latef-

---

(1) Vid. accuratam hujus articuli descriptionem à Cl. Monro editam in *The Medical Essays*, vol. I, Obs. XI. p. 131, & vol. III. Obs. XIII, p. 261.



cunt processus coronoides, vel extrà illud prominent, & à posterioribus condyloideis, incisuris femi-circularibus acutis, distinguntur.

I V.

QUINQUE præcipue musculorum paria Maxillæ inferiori annectuntur, scilicet acuto ejusdem processui *temporalis*, inferiori & laterali faciei externæ parti *masseter*, foveæ maxillarique angulo anteriùs *pterygoideus internus*, condyli collo *pterygoideus externus*, menti tandem symphyfi *biventer*. Superiores præterea & inferiores hyoïdis ossis, communesque seu externi laryngis musculi in eodem osse insertionem habent.

V.

IN interiore mandibulæ substantiâ, canalis angustus, osseus, maximâ ex parte continuus, *canalis maxillaris inferior* dictus, secundùm ossis figuram flexuosè incedit. Duo habet orificia; alterum in parte internâ, asperum, inæquale, viam præbet arteriæ, maxillaris internæ ramo, & nervo tertii quinti paris rami furculo: alterum in parte externâ infrà primos molares terminatur. Porro ea est inter hæc duo orificia consensus, ut si setam interno indideris, eam per externum levi operâ protrudere possis.

V I.

DEORSUM, fursùm, antrorsùm, retrorsùm & in latus moveri potest, ad obeunda manducationis & loquelæ munia, Maxilla inferior. Sursùm elevatur & sic clauditur musculis temporalibus, massetere utroque, & pterigoïdeis internis, eam quoque interdùm ad latera trahentibus. Antrorsùm ducitur pterigoïdeis externis: biventres eam deprimunt, sicque os aperiunt. Ex compositâ autem omnium horum musculorum actione varii in universùm exercentur motus (1).

---

(1) De iis nec-noa de aliis Consul. Act. Reg. Scient. Academ. ann. 1744.



## POSITIONES CHIRURGIAE.

### I.

NON in aliam quàm anteriorem partem propellitur Maxilla; id quod evenit, dùm ejus condyli super transversum ossis jugalis processum promoventur: Nam in posteriorem, dextram, sinistramque partem excidere nequit, quia obstant processus mastoidei & styloidei; nec propter ipsos condylos in latum moveri potest Maxilla. Ligamenta adhuc robustiora laterali vel posteriori dimotioni inexpugnabile obijciunt impedimentum.

### I I.

UTRIVSQUE luxationis speciei eadem causæ tùm internæ tùm externæ. Priores sunt ligamentorum debilitas, convulsiones, effrenati risus, oscitationes nimix. Posteriores habendæ ictus & lapsus. Porro ex omnibus his causis frequentior oscitatio.

### I I I.

QUANDO utrâque parte è sede suâ excidit mandibula, totum mentum inclinatur & in partem anteriorem promovetur. Apertum manet os: deprimuntur genæ: saliva copiosè effluit: siccantur fauces: loquela deniquè & deglutitio difficiles admodum evadunt. Si unâ tantùm partem procidit maxilla, versùs latus oppositum convertitur mentum: dentes Maxillæ superioris dentibus paribus non respondent; sed sub incisivis canini sunt. In uno latere musculorum tensio & tumefactio solummodò observantur.

### I V.

PARUM per se noxia Maxillæ luxatio: pessima tamen, si non reponeretur, procrearet symptomata, ut febrim, soporem, inflammationem, convulsionem, vomitum, atque etiam, juxta Hippocratis sententiam, ægri interitum. Sic quandò sub osci-



tatione nonnunquam ita deorsum trahitur Maxilla, ut condyli extrà sedem propriam propendeant, processus acuti musculos distorquent, pungendo convellunt, partes aliter ac in sanitatis statu trahunt, nervos & ligamenta violenter tendunt; & indè, nisi os opportunè in sedem compellatur, periculosa mox memorata symptomata. Hæc verò incompletæ luxationi rarius succedunt.

## V.

MULTIPLICI ratione, si auctoribus fides habeatur, luxatæ maxillæ obtineri potest reposicio. Sunt enim qui colaphis Maxillam in sedem suam compellere jubent: tali modo fuisse repositas Maxillæ luxationes testis est indubitata fidei cel. *Petie*: luxationem verò tunc fuisse incompletam notat. Alii bacillo, veluti vecte, hinc posterioribus Maxillæ inferioris, indè incisivis alterius Maxillæ dentibus applicato, luxatum in sedem suam propulsare nituntur. Maxima autem ex eâ methodo pullulant incommoda, qualia sunt, dentium incisivarum ruptura, nimius dolor, faucium etiam pertimescenda læsio, si è manibus excidar vectis. Quidam tandem bacillum brevius & cylindricum usque ad posteriorem arcus maxillaris partem protrudunt, mentoque elevato, condylos musculorum retractioni permittunt. Hujusce encheiresis difficilima praxis: bacillum enim sub solis ultimis dentibus continere molaribus ferè impossibile est & impossibilis fit reductio, si aliis dentibus innitatur bacillum.

## V I.

TALIBUS methodis non minùs incongruis quàm periculosis, sequens subjicienda, optato semper coronata successu. Æger in sedili collocatur, sic ut minister à tergo



stans caput ejus firmiter retineat; vel ut is juxta parietem se-  
deat, subjecto inter parietem & caput agri scorteo pulvino  
duro. Caput eò urgendum est, quò sit immobilius. Deindè Chi-  
rurgus, utroque pollice, linteolis priùs involuto, posterioribus  
agri molaribus imposito, anteriorem Maxillæ partem volâ ma-  
num complectitur: tum ramos maxillares pollicibus deprimit,  
eosque postea retroagit, dum pollices simul & subito in latera  
conjicit, ne præcipiti musculorum contractione lædantur. Cau-  
telæ autem, sub repositione, exposcunt, ut nec fursùm nec la-  
teraliter, sed initio, in quantum licet, deorsùm, postea an-  
trorsùm & denique fursùm ducatur Maxilla. Si unâ partè pro-  
ruperit maxilla, in uno tantum latere læso adhibetur hæc praxis:  
difficilior verò tunc evadit: 1°. propter majorem in hoc casu  
musculorum tum contractionem tum resistantiam, 2°. propter  
minorem oris aperturam, quæ impedit ne pollex propè articu-  
lationem ducatur. De variis in hujusmodi luxatione inventis &  
applicatis, à celeberrimò *Lecat*, mediis, vid. diarium Medicinæ,  
tom. 111, pag. 28.

#### V I I.

MAXILLA, suum in locum reposita, spleniis & fasciâ quâ-  
dam, *fundâ* dictâ, defensivo medicamento imbutâ, retinetur.  
Longior injicitur habena, utrinque in longitudinem ad medium  
ferè incisa, cujus media pars mentum, extremitatùm verò duæ  
hominis caput complectuntur; reliquæ super cervicem, & hinc  
suprà frontem adductæ, ligantur. Futura præcaventur accidentia  
mediis generalibus & aptâ victûs ratione; debellantur præsentia  
pro re natâ.

#### F I N I S.